

քաղաքը իւր մերձակայ Ս. Խաչ վանքով՝ բոլորովին հայոց քաղաք կը դառնայ. Սուտաղ (Soldaja Սուղդա) իւր բազմամարդ հայութեամբ մեծ - Հաշատան անունը կը կրէ, որում կը վկայէ Եզդինէոս Գ. Հռովմայ սրբազանին կոնդակը « ի կողմանս Մեծին Հայաստանու, ուր է եկեղեցին Սուղայեցւոց¹ » 1432:

Ժ

ԱՇԽԱՐՀԱՇԷՆ ԳՈՐԾՈՒՆԷՅՈՒԹԻՒՆ

ՀԱՅՈՑ Ի ԿԱՖԱ

Հայութեան ծաղկեալ միջոցն ի Ղրիմ՝ եղած է ի 1330 - 1475. բազմաթիւ ձեռագիրք այն ժամանակաց մէջ գրուած են, ամրակուռ մատրունք և եկեղեցիք նոյն միջոցին կառուցել են. շատ խաչքարինք նոյն ատեններ քանդակուած և կոփուած մինչև առ մեզ հասել են իրենց յիշատակորաններով: « Բարեխաւս են սուրբ նշանքս » այս կամ այն բարեպաշտ Հայուն, սր հեռի ի սիրելի հայրենեացն՝ կնքեր է յօտար պանդխտութեան իր կեանքը: Քանի՛ սրտագին, հաճոյական, միանգաւայն և տխրագին մտածութիւնք շեն յարուցանել հայ սրտերու մէջ այդ սեւացեալ խաչքարինք, ոմանք եկեղեցեաց պատերուն մէջ ագուցած, այլք բարձր բերդերու

1. In partibus Armeniæ majoris, in quibus Soldajensis ecclesia sita est. Բրիւն էջ 58.